

DISSESSATIO INAUGURALIS
MEDICO - CHIRURGICA
DE
ABSCESSU LYMPHATICO,
QUAM,
CONSENTIENTE AMPLISSIMO MEDICORUM
ORDINE,
IN
UNIVERSITATE CAESAREA LITERARUM
DORPATENSI
PRO GRADU
DOCTORIS MEDICINAE
LEGITIME IMPETRANDO
LOCO CONSUETO PUBLICE DEFENDET
AUCTOR
HENRICUS GLANDORFF,
ESTHONUS.

DORPATI LIVONORUM.
TYPIS J. C. SCHÜNMANNI, TYPOGRAPHI ACADEMICI.
MDCCXXIX.



I m p r i m a t u r

sub conditione, ut, simulac typis excusa fuerit haec
dissertatio, quinque exemplia collegio explorandis li-
bris constituto tradantur.

Dorpati Livonorum die ix. mens. Feb. M D C C C X X I X .

Dr. Fridericus Erdmann,
h. t. Deeanus.

D 16760

Vitium, quod accuratius considerare constitu-
mus, in scriptis, de rebus medicis compositis,
appellatur: tumor lymphaticus, abscessus lymphaticus, frigidus vel atonicus.
Utrum illorum nominum verae morbi nostri, in-
doli respondeat, ejusque propriam notionem ma-
xime exhaustiat, in decursu hujus dissertationis
culae videbimus.

Jam antiquis temporibus tumorem lymphati-
cum medici observasse videntur, attamen illum
neque proprio nomine nuncupaverunt, neque
tanquam propriam morbi speciem proposuerunt,
quod demum altero dimidio saeculi praeteriti Ja-
cobus de Plenck ¹⁾, Davides van Gesscher ²⁾ et
Henricus Callisen ³⁾ fecerunt. Post illos multi

1) Joseph. Jacob. de Plenck, novum sistema tumo-
rum. Vien. 1767.

2) David. van-Gesscher, proeve over de voornaamste
langdurende Gezwollen. Amsterd. 1767.

3) Henr. Callisen, institutiones chir. 1777.

medici animum attenderunt ad hunc morbum, quem ut accuratius observarent, subtiliusque investigarent propriam ipsius indolem, dignati sunt. Inde simul exortae sunt plures sententiae diversae, secundum quas tumor lymphatico modo hic, modo ille locus in morbosis corporis symptomatibus tribuebatur.

De argumento opusculi nostri imprimis haec scripta digna sunt, quae legantur:

Anton Beinl, in: Abhandlungen der med. chir. Josephsacademie zu Wien, V. II. n. 3.

Johann Adam Schmidt, ibidem.

Schaack, in: Mursinna's Journal für Chirurgie, V. I.

Johann. Eric. Nyblaeus, dissert. de tumore lymphatico, Upsal. 1807.

Strunck, dissert. de abscessu lymphatico, Goetting. 1809.

Flajani. collezione d'osservazioni etc. T. I.

Rust, in: Harless Jahrbücher der deutsch. Med. und Chir. V. I.

Philipp. de Walther, in: Graefe's Journal für Chirurgie, V. I.

Boyer, traité des maladies chir. T. I.

M. J. Chelius, in: Textor's neuem Chiron, V. I.

Nasse, in: Hörn's Archiv für medic. Erfahrung, V. I.

Heinrich Callisen, System der neuen Chirurgie, heransgegeben von P. Callisen, V. II.

G. B. Monteggia, istituzioni chir. V. I.

Diagnosis.

Morbum, de quo agimus, descripturi, secundum exemplum aliorum scriptorum, decursum ejus, tum melioris conspectus et ordinis causa, tum quoniam id plurimum couert ad rectam prognosin constituant et aptam medendi methodum adhibendam, in stadia dividimus. Secundum Beinlium tria distinguimus stadia.

Symptomata, quibus primum stadium insinuitur, haec sunt: Aliquo corporis loco exoritur tumor parvus, non circumscriptus, elasticus, immobilis, vix fluctuans, neque discolor, qui neque cum ancta temperatura, neque cum doloribus conjunctus est, sed ad summum aegroto sensum gravitatis et tensionis efficit. Interdum aegroti loco, quo post tumor appareat, sensum pungentem percipere dicuntur. Tumoris exortum semper magis minusve symptomata turbatae assimilationis antecedentur, ut inertia atque lassitudine membrorum, anfusus morosus, appetitus ciborum depletus, somnus inquietus, perturbationes in secretionibus excretionibusque etc.

Jam tumor ambitu paulatim crescit, fluctuatio magis perspicua apparet, cutis supra eum magis magisque tenditur, color ex flavo subruber esse incipit, deinde obscurior fit et tandem nonnullis locis ex coeruleo ruber, dolores in tumore oboriuntur et sensim etiam in partes vicinas serpent. Tumore aucto etiam augmentur symptomata supra dicta vitii universalis, in quibus major lasitudo, depresso animi et minimus ciborum appetitus maxime eminent. Haec symptomata significant secundum morbi stadium.

Tertio denique stadio tumor, interdum usque ad magnitudinem capitis infantis auctus, uno vel pluribus locis rumpitur et magna copia humoris puri similis, interdum foetidi odoris, effluit, quo facto tumor concidit. Apertura, per quam humor contentus effluit, initio parva est, sed sensim ambitu crescit, atque in latum ulcus atonicum transmutatur, ex quo pus malignum, interdum etiam acre, itaque partes vicinas inflammatione et suppuratione afficiens, continuo destillat, quod non raro subcute et in muscularum interstitiis fistulas amplas longasque facit. Simul symptomata illa vitium infernum adesse testantia et vi et extensione augmentur. Appetitus ciborum paene omnino deficit, sapor fatus est, lingua mucō ex albido flavescente valde obducta, aegroti adspactus cacheticus, oculi sclerotica in nonnullis aegrotis colore nitide album adsumit, in multis etiam pupilla amplificatur. Febris hectica magis magisque excolitur, corpus maxime consumit et vires usque ad colligationem conterit, quae aegroti vitae serius ocius finem imponit.

Hunc decursum a nobis in tres partes distributum ill. Rust in sex stadia dividit, quae breviter afferam.

Opportunitas, ubi tantummodo signa perturbatae assimilationis adsunt.

Eruptio significat exortum vitii localis.

Auctio, ubi tumor crescit, attamen semper adhuc lympham pellucidam, coloris expertem continet.

Perfectio, si tumor maximum ambitum nactus est.

Corruptio, ubi humor tumore contentus puri similis et acer fit, inflammatio et dolores in illo oboriuntur et febris hectica accedit.

Apertio denique evenit, cum omnibus symptomatis auctis cutis valde tenditur, deinde rumpitur et humor contentus effluit.

Tempus, quod hic morbus perduret, certo constitui nequit, cum illud ab aegroti constitutione, vitii universalis conditione, multisque aliis rebus fortius pendeat. In universum vero hoc vitium ad illa pertinet, quae tardius decurrent; celerius tantum progreditur, si caries adest, vel in complicatione cum aliis morbis.

Tumores ejusmodi prope in omnibus corporis regionibus observarunt, ut Kirckland in mamma mulieris⁴⁾, Mursinna supra annulum abdomina-

4) V. Richter's chir. Bibliothek. V. X. p. 694.

lém⁵), Schaack in regione parotidis⁶), Langenbeek ad caput⁷) et Beinl in vola manus⁸). Saepeissime tamen inveniuntur in thorace, inter scapulas, in tego et in superiore femorum parte. Vulgaris eorum sèdes est tela cellulosa sub integumentis universalibus, rarius exstant in intervallis musculorum et in tela cellulosa, quae membranas serosas pectoris et abdominis colligat cum parietibus ipsis respondentibus⁹). In hominibus utriusque sexus et quidem cujusvis aetatis conspecti sunt, quin Mursinna exemplum narrat memorabile, ubi infans cum pluribus natus sit¹⁰). Plerumque singuli apparent, interdum tamen major eorum copia. Humor iis contentus non semper idem est, jam magis limpidus et tenuis, jam et quidem plerumque magis turbidus, spissatus et lentes; initio mitis et odoris expers esse solet, ubi vero inflamatio tumorem occupavit, vel ille ruptus est, ejusque parietes interni aëri atmosphaericо expositi sunt; magis minusve conditio nem puris tenuis, maligni induit.

Hoc loco etiam tumores commemorandi sunt, qui, huic yitio aliquatenus similes, facile cum ipso confundi possunt.

5) Leder's Journal d. Chir. V. II. p. 485.

6) Schaack, l. c. p. 215.

7) Langenbeek, Bibliothek für Chir. V. II. p. 493.

8) Beinl, l. c. p. 296.

9) Boyer, l. c. p. 71.

10) Mursinna, l. c. p. 236.

i) **Collectiones hydroperitonei bursa rum mucosarum**, ut earum, quae ad cubitum et ad patellam extant. Hae tamen eo discrepant, quod vel symptomata, quae vitium universale adesse probant, deficiunt, vel non ita eminent et magis fortuita sunt. Tumores ejusmodi raro magnitudinem adipiscuntur, ad quam tumores lymphatici crescunt. Caeterum illi diu, saepe plures annos, sine aegroti periculo constare possunt, atque etiam, si maturius aperiuntur, facile sanationem admittunt.

2) Cum tumoribus cysticis, praecipue cum hygromate, tumores lymphatici facile confundi possunt; sed illud eo diversum est a tumore lymphatico, quod accuratius circumscriptum est, sub cinte huc illuc moveri potest, neque incomoda universalia tam conspicua adsunt.

3) Ab abscessibus congestionis tumores nostri eo dignosci possunt, quod formatio humoris contenti fit loco, ubi apparent; illi vero puris constituant collectiones, quod in alia regione formatum per telam cellulosam viam sibi stravit usque ad congestionis locum, et enijs formationem in parte aegrotante et in vicinis quoque regionibus dolores antecedunt, qui in tumoribus lymphaticis non percipiuntur. Quae tamen symptomata ad alteram ab altera distinguendam tumorum speciem allata neque constantia neque certa sunt, nam tumores lymphatici quoque non raro sedem primam relinquunt, aliisque locis apparent. Quod vero ad dolores aliaque inflammationis signa attinet, quae formationem abscessum conuge-

stionis praegredi solent, observationes nos docuerunt, illa interdum tam parva esse, ut ab aegroto omnino non sentiantur, tumores vero lymphaticos inveniri, qui multis variisque incommodis corpus invadant, praecipue si organorum maximi momenti functiones perturbent atque impedian-

Aetiologia,

De causis, quibus tumor lymphaticus originem suam debeat, scriptorum sententiae discrepant. Alii, ut ill. Beini, contendunt, ad formandum vitium praeferunt dyscrasiae alicuius dispositio-
nem semper opus esse, ut nocentia mechanica, etsi minimam, vim exerceat, ut pulsus, casus, pressus, contusio etc., quin etiam violentias ejusmodi saepe solas vel in sanissimis maximeque robustis hominibus tumores lymphaticos provocare posse. Alii, ut Schaack, Mursinna et Rust, concedunt quidem, viribus mechanicis nocentibus hoc vitium etiam in corporibus omnino sanis optimaque constitutione gaudientibus gigni posse, sed ita, ut dicant, exempla ejusmodi rarissima esse minus que periculosa, saepissime vero tumores ex vitio aliquo interno exopiri, ubi nulla nocentia mechanica externa, tautquam causa occasionali, opus sit. Alii denique, ut celeber. Walther, omnino negant, tumores lymphaticos solis nocentibus mechanicis externis produci posse, illosque semper ex vitio aliquo interno exoriri arbitrantur,

violentias externas vero mere fortuitas esse, atque ad summum locum, ubi existant, constituere. Ad morbos, quibus vitium universale tumoribus lymphaticis originem praebens nititur, imprimis referuntur dyscrasiae variae, ut rheumatica, scrophulosa, arthritica et herpetica, quae normalem conditionem sanguinis caeterorumque succorum ita alienant, ut jam corpus restaurare atque organa ad exsequendas functiones, satis excitare nequeant, quo languedo ac perturbationes omnis generis in organismo procreantur. Caeterum minime necesse est, has dyscrasias perfecte excutias esse, sed earum dispositio jam sufficit ad organismum, quibusdam nocentibus externis continuo lassentibus, paulatim morbose transmutandum; quae transmutatio modo his, modo illis symptomatibus sese manifestat.

De causa quoque proxima tumoris lymphati-
ci alii alia contendunt medici. Prioribus tempore-
bus morbum illum secretione morbosa, vitio aliquo interno nitente, natum putavisse, eumque classi abscessuum adnumerasse videntur, cui sen-
tentiae van Gesscher quoque adsentit. Cum vero sub symptomatibus inflammationis minimis, observationem prorsus fugientibus, appareat, impli-
tasque proprietates in decursu et in condizione ha-
morris contenti ostendat, nonnulli, sententia anti-
qua reducta, aliis tumorum speciebus illum ad-
numeraverunt: sic Plenck cum in oedemata refert,
Lassus ¹¹⁾ in tumoribus frigidis inter strumam et

11) Lassus, pathologie chir. V. I. p. 417.

scirrum ponit. Alii vero putaverunt, illum esse lymphae extravasatum, productum uno vel pluribus vasis lymphaticis violentis externis aperitis. Hanc tamen sententiam praecepit a celebre. Beinlio propositam impugnant plurimae observationes, quae nullam laesionem extrinsecus effectam ostendunt, semper vero antecedentia nutritionis et assimilationis turbatae symptomata. Porro alii exortum tumoris lymphatici ex vitio toius systematis lymphatici deducunt, quod causa aliqua debilitatum sit, quare extensiones varicosae et angiectasiae singulis locis parietum vasorum lymphaticorum excolantur, quae eodem modo, quo similes morbi arteriarum ac venarum, in inflammationem, suppurationem et destructionem cohaerentiae abeant, efficiantque ut lympha sessa effundat in telam cellulosa circumdata. Etiam si haec sententia de origine tumoris lymphatici multa symptomata, quae sententia antecedente vix explicari possunt, ut incommoda antecedentia, exorium plurium tumorum lymphaticorum eodem tempore et difficultatem sanationis, optime eruere videatur, et multo acutum multaque sagacitate ab ipsius auctore, ilustrissimo Rustio, exponatur, multa tamen facta probant, eam non esse veram, praecepit conditio humoris, qui in tumoribus ejusmodi iacet; hic enim chemice exploratus paene semper majorem similitudinem singulorum elementorum suorum cum puris, quam cum lymphae elementis ostendit. Experiments ejusmodi illi. Fuchs, professor chemiae Landshuti, permulta instituit, et quidem cum humoribus, primo stadio e tumoribus desumitis, anequam corrupti erant, ex iisque semper idem secutum est. Multa porro

exempla tumorum lymphaticorum observata sunt, in quibus morbum ejusmodi systematis lymphatici adesse existimari non potuit, contra morbi repe- riuntur, in quibus de debilitate et morbosa com- mutatione hujus systematis dubitari nequit, neque tamen tumores lymphatici exoriuntur, quamquam ex nonnullis vasis, quorum continuitas delecta est, lympham stillantem videmus, quae aliquamdiu post sua sponte desinit, aut artis auxilio facile sisti potest. Haec similitudo humoris cum pure in proprietatibus ipsis, tum chemicis, tum physi- cisis, et nonnullae aliae res, quibus ille tumor cum abscessibus consentit, paene omnes medicos recentioris temporis impulerunt, ut pristinae sen- tentiae denuo adsentirentur, et tumorem lymphaticum judicarent abscessum, et quidem eum, qui dicitur atonicus sive frigidus, i. e. ta- lem, qui productus universaliter vitio cacoehymico vel dyscrasiaco sub minimis, vix vel omnino non conspicuis signis inflammationis appareat et propter defectum sufficientium virium organorum in uni- versum et praecipue vasorum capillarium, ut sy- stematis secretionibus inservientis, et propter mi- nimam sanguinis vim plasticam non pus sincerum consistens, sed humorem tenuem, serosum, vel spissatum, turbidum et sedimentosum largiter se- cernat. Hoc respicientes et hoc nomine usi pleri- que viri artis salutaris peritissimi, quorum tan- tummodo Richerandum¹²⁾, Boyerum, Walther- um, Chelium et Monteggiam afferre libet, de tumore lymphatico egerunt. Nonnulli tamen, ut

12) Richerand, nosographie chir. V. IV. p. 207.

Callisen, illum tanquam varietatem abscessum frigidorum, sub singulari nomine abscessus lymphatici secerni volunt, quoniam in nonnullis symptomatis ab illis abhorreat: ostendit enim statim initio fluctuationem, elasticus tactu est, et fluidum benignum, albuminosum, magis minusve lentum contineret, antequam integumenta cutanea admodum destructa vel ossa subjacentia cariosata facta sunt; illi vero initio proponunt indurations, qui inflammatione lenta in suppurationem solvuntur, vel statim tanquam tumores molles existunt, neque tamen elastici tactu sunt, sed magis massae similes et semper humorem purulentum, tenuem et ichorosum, etiam si maturissime aperiantur, corinvent. Nos quidem sententiae posteriori omnino adsentimur, putamusque morbum nostrum, quod ad originem, decursum et vitalitatis conditionem attinet, abscessibus frigidis apte adnumerari, propter aberrationes vero, modo memoratas, varietatem haberi, et nomine abscessus lymphatici, quod illusterrimus Walther primus propositus, appellari posse. Tumores autem lymphaticos etiam in hominibus omnino sanis, robustis optimaque constitutione gaudenibus ex vasis lymphaticis violentia externa apertis exoriri posse, quod v. c. Mursinna, Langenbeek, Chelius multique alii contendunt, qui illi potissimum tumoris lymphatici nomen imponunt, jam celeberrimus Walther in dubium revocavit, justisque argumentis hanc sententiam veram esse non posse demonstravit. Nobis tantum restat, ut addamus, exempla per pauca, ubi humor tumoribus ejusmodi contentus non solum si tantum oculis conspicatur, sed etiam si chemice explore-

tur, magnum cum lympha similitudinem habeat, qua observatione, qui sententiam modo allatam defendant, certo nititur se opinent, neutrum tanti momenti esse, ut sententiam, hoc fluidum esse lympham ex vasis lymphaticis effluentem, non secretum proprium, extra omnem dubitationem ponant. Nihil probant, nisi conditionem humoris in abscessibus lymphaticis secreti interdum lymphae conditioni proximam esse. De eo, quod nonnulli contendunt, tumoribus hujusmodi interdum laborare eos, qui ante valetudine optimam gavisi sint, tantummodo monendum nobis videtur, in aliis quoque vitii localibus, quae experientia symptomata vitii universalis agnoscat, saepe nullum symptomam morbi interni conspicari, sed postea deum in decursu et phaenomenis accidentibus, quae a viro locali apte derivari nequeant, illum jam antea adfuisse colligi posse.

Prognosis.

Prognosis abscessus lymphatici in universum non ita prospera statui potest, quoniam experientia edocti sumus, ejus sanationem, et remotionem vitii universalis, cum illo nexu causaliter conjuncti, multis difficultibus esse obnoxiam, et saepe studiis aptissimaeque agendi rationi medici resistere. Caeterum prognosis exitus aut fausti, aut infasti pendet ab aegroti constitutione, vitii interni na-

mira, viii localis mora, magnitudine et conditio-
ne, multisque aliis rebus. Si tumor nondum in-
flammatus est nec dolet, non nimis magno gaudet
ambitus, aegroti vires nondum valde conciderunt,
constitutio ejus satis adhuc bona, apta medendi
methodo adhibita, semper felix eventus sperari
licet. Minus fausta vero prognosis est, si cutis
supra abscessum jam in inflammationem abiit ac
discolor facta, vel etiam rupta est, in ulcus am-
plum, laxum, sinuosum se transmutavit, ex quo
continuo humor lymphae similis destillat, praeter-
ea febris hectica accessit, simul organa digestio-
nis debilissima sunt et corpus maxime macilentum.
Pessimum est, si humor secretus conditionem icho-
ris foetidi et acris induit, si simul plures absces-
sus lymphatici adsunt, vel sanato alio aliis lo-
cis per metastasis apparent, aut etiam inflamma-
tiones in partibus internis, ut in pulmonibus, he-
pate etc. oriuntur, quae interdum animadversae
sunt¹³⁾). Periculum adducit complicatio cum
carie, quae non, ut plerique autumant, causa ab-
cessus lymphatici, sed potius sequela est haben-
da; illa ulceri sanando maxime obstat, cum se-
cretionem profusam diu sustineat, eaque succorum
jactura maciem et virium prostrationem adducat.
Si denique morbus jam eo usque ingraynit, ut de-
jectiones colliquativaes sub maximo virium exhan-
stionis gradu et febri hectica perfecte exculta ori-
antur, ars rarissime tantum aegrotum a morte ser-
vare valebit. In hoc statu desperato et qui pror-

sps nullam salutis spem admittere videtur, vis
medicatrix naturae tamen, etsi rarissime, auxili-
um afferit. Si enim res sic se habent, pus in ab-
scessu secerni desinit, vi resorbendi, aucta tela
cellulosa prava, degenerata, loco viti localis re-
moveretur, abscessus parietes inter se appropin-
quant, eorumque concretio efficitur. Simil vires
vitalis prope usque ad extinctionem consumtae
paullatim reficiuntur, organa laxata firmiora sunt,
functiones suas renovatae alacritate continuare in-
cipiunt, atque aegrotus post brevius longiusve tem-
poris spatium omnino pristinam sanitatem recu-
perat.¹⁴⁾

C u r a t i o.

Supra vidimus, morbum nostrum secundum
vetam suam indolem ad classem abscessuum et qui-
dem maxime atonicorum et cum secrezione profusa
conjunctorum pertinere, semperque symptoma
vitii dyscrasiaci esse habendum. Inde eveniunt
ad curationem instituendam haec indicationes:

1) Abnormis viresque aegroti consumens se-

13) V. Callisen, l. c.

14) V. Walther, l. c.

cretio in abscessu sistatur, isque, ut sanari incipiat, adducatur.

2) Ad vitium universale respiciatur: morbo succorum mixtio emendetur, atonia universalis et debilitas remediis aptis atque ad hunc finem accommodatis removeatur.

3) Diaeta quoque et regimen aegroti secundum morbi interni naturam alique conditionem temperetur.

Abscessus lymphatici sanationem triplici ratione efficere studuerunt, tum resolutione, tum excitanda inflammatione adhaesiva in abscessus parietibus ad contactum inter se adductis, tum denique commutatione secretionis pravae, profusae in suppurationem modicam et benignam.

I. Ut prima via ad finem constitutum perveniat, remedia diversissima commendata atque tentata sunt, ut hirudines in tumoris circuitu applicatae¹⁵⁾; deriyatio et actiones vitariae per ulceram artificiosa et medicamenta purgantia; in ipsum tumorem adhibita fomenta ex glacie, aqua frigida cum aceto, nitro et sale ammoniacō, ex remediis spirituosis et aethericis¹⁶⁾, ex diversis solu-

15) Volpi, vid. Salzburg. med. chir. Zeitung 1815.
V. II. p. 301. — Rust, l. c. — Schmidt et Vering, vid. Beinl, l. c. p. 308.

16) Rust, l. c.

tionibus metallicis, quo etiam pertinet aqua lapidis miraculosa, quae dicitur, i. e. solutio mixtionis ex alumine, vitriolo Martis, vitriolo cupri, aeragine et sale ammoniacō conflatae, quam celeb. Schnetz commendavit¹⁷⁾; fascia expulsiva¹⁸⁾; electricitas¹⁹⁾, embrocationes²⁰⁾ etc. Sed cum omnia hujusmodi remedia rarissime tantam utilitatem attulerint, recentioribus temporibus pericula ejusmodi abscessus resolvendi omnino omissa sunt, vel tum, cum vix incepérunt et minoris ambitus sunt.

II. Prosperior eventus vero exspectari licet, si tumor aperitur, humor contentus removetur, atque in illius parietibus remediis aptis gradus inflammationis ad efficiendum coalitum sine suppuratione et granulatione necessarius provocatur. Quae tamen sanandi methodus tum tantum adhibenda est, cum abscessus primo adhuc stadio, ant minus tantum inflammatione est corruptus. Tumor patet factio vero quam matarrime instituatur, quae si ad serius temporis momentum differatur, timendum est, ne crescens humoris copia abscessus parietes ita extendat, ut in inflammationem, suppurationem, indurationem vel etiam in degenerationem gangraenosam abeant, quo facto

17) Hufeland's Bibliothek der prakt. Heilkunde. V.
19. p. 268.

18) Rust, l. c.

19) Bircb, riflessioni sulla forza della electricita.

20) Lassus, l. c.

ad coailitum adhaesivum jam non idonei sint, neve
pus abscessus cavum egrediatur, meatus insinuos
per telam cellulosam organorum vicinorum sibi
sternat, et in his quoque transmutationes pathologi-
cas efficiat, praesertim si tenuis ichorostumque sit,
quale esse soleat, si cariem jam provocaverit;
qua ratione si res se habeant, omne periculum
abscessus per primam reunionem sanandi dissua-
dendum est. Ad tumorem evacuandum et neces-
sarium reactionis gradum in abscessus parietibus
protocandum variae methodi commendatae et
tentatae sunt.

1) Abscessus lanceda vel acu triquetra aperi-
tur, apertura vero tam parva facienda est, ut aeri
atmosphaerico nulla in tumorem intrandi facultas
sit, humor eo contentus pressu leni, aequali emo-
vetur aut omnis simul, aut paulatim intra non-
nullos dies deinceps sequentes, tum apertura em-
plastro adhaesivo clauditur et vinculo recte adjace-
nte colligatur, vel antea tumori imponitur em-
plastrum irritans, aut fomentum adstringens. Haec
tota agendi ratio repetitur, quoties abscessus de-
nuo pure repletur, attamen semper aperiendus est
tumor, antequam pristinam suam magnitudinem
nactus est. Hac methodo plures medici, ut Mur-
giana, Jacopi ²¹), Walther, Flajani et Boyer fel-
liciter usi sunt.

2) Per tumoris basin setaceum ducitur, quod

²¹) Jacopi, prospetto della scuola di Chir. Milano
1813. V. I.

removeretur, donec adhaesivus inflammationis gra-
duis accesserit, quod post diem terium, certe
quartum fit, quo facto parietum conjunctio colli-
gatione leniter comprimente, vel eo solum, quod
aegrotus, si sedes vitiæ ejusmodi sit, in tumore
jacet, efficitur. Haec abscessus lymphatici tra-
ctandi methodus nominatim a Walthero maxime
laudatur et commendatur.

3) Tumori imponitur remedium causticum,
imprimis lapis causticus vel lapis infernalis, partim
ad actionem morbosam in profundo cutis irritatio-
ne magis superficiem versus dirigendam, partim
ad maiorem reactionis gradum in abscessus parie-
tibus per consensum excitandum, ut pure emoto
invicem se tangentes eo facilius citiusque coales-
cant. Antonius Beini, qui hanc agendi rationem
in morbo nostro primus tentavit, lapide caustico
usus est, quem magnitudine fabae in declivissima
abscessus parte posuit, octo horis post escharam,
genitam, donec decideret, unguento digestivo
colligavit, lancetta ad venaectionem apta per
exortum ulcus superficiale usque in tumoris fo-
cum punxit, omnem humorum eo contentum per
hanc parvam aperturam leniter premens emisit,
imm ulcus denuo unguento digestivo colligavit,
insuper imposuit fomentum adstringens idque
fascia contingente affixit. Per sequentes octo vel
decem dies colligationem his quotidie repetiti at-
que efficiere conatus est, ut ulcus superficiale si-
mul semper suppuraret. Si perspicua fluctuatio
in tumore oborta fuit, denuo erat aperiendus et
hoc modo saepius, donec jam non attolleretur, et
tum ulcus exteriorum etiam sanandum curavit.

Hanc methodum inter alios quoque Langenbeck, Sabatier²²⁾ et Chelius bono eventu adhibuerunt; posterior tamen eo dissentit, quod remedium causticum non in superficie et parvo ambitu usurpat, sed altius et latius intrandum curat, quo cutis supra tumorem sua sponte aperiatur et major reactionis gradus adhaesivae gignatur, quam imponens pulvillis comprimentibus, calido decocto spec. cephal. cum vino rubro imbutis, adjuvat, quo facto omnia fascia apta colligat.

4) Denique injectionibus variorum remediorum excitantium, ut yini, solutionum lapidis infernalis, sublimati, lapidis caustici, similiisque remediiorum vires vitales prostratas in abscessus parietibus augere studuerunt. Qua quidem medendi methodo imprimit chirurgi Anglici uti cooperant. Tumore acus triquetrae ope aperto, humorem contentum per ejus canalem emiserunt, tum statim aliquem liquorum commemoratorum in abscessus cavitatem injecerunt, quem in ea reliquerunt, donec justa irritatio effecta esset, quo facto fumori collapso fomenta aromatica adstringentia imposuerunt et aptam fasciam continentem applicaverunt. Quodsi tum conjunctio adhaesiva nondum sequebatur, hanc agendi rationem reperiunt. Huc pertinet etiam methodus Rustii, secundum quam aqua servidissima injicienda eligitur. Tumorem, si nondum admodum magnus, neque inflammatus est, Rust acu triquetra evacuat,

sin contrario modo res se habent, ita ut timendum sit, ne propter humorem spissum, degeneratum, et tela cellulosa separata mixtum effluxus sistatur, sectione libera vel remedio caustico eum aperire maxult; quo facio deinceps aquam fervidissimam injicit. Quo minus illa nimis cito refluat et cutem vicinam comburat, spongia siphonis fistulae circumdata prohibet. Gaeterum eodem modo, ac supra diximus, agit, nisi quod fomenta corroborantia quam calidissima applicat. Ill. Zang²³⁾, qui et ipse injectiones aquae ferventis tentavit, suaderet, ut colligatio premens nonnullis diebus post demum adhibeat, postquam tela cellulosa aquae vi destructa, quae, ut corpus alienum, coaliui adhaesivo obstret, excreta vel resorpta sit.

III. Si nulla methodo descripia efficere possumus, ut adhaesiva abscessus parietum conjunctio existat, vel si supra commemorata abscessus conditio adsit, secundum quam sanatio per primam reunionem fieri nequeat, studeamus oportet, ut secretionem humoris depravati, profusi, in suppurationem modicam, benignam commutemus, qua sanatio per granulationem adducatur. Ad hoc quoque consilium exsequendum diversae methodi usurpatae sunt.

1) Per tumoris basin ducitur setaceum, neque removetur, ut in methodo supra descripta, antequam suppuration accedit, sed relinquitur,

22) Sabatier, med. oper. V. III, p. 450.

23) Zang, blutige Operat. V. I. p. 115.

donec haec perficie exorta sit; praeterea tumor somentum adstringentibus, excitantibus regitur. Hanc methodum ill. Rust praecepit in abscessibus lymphaticis cum carie conjunctis laudat. Antea tumorem carentem acu tricquetra evacuat. Suppuratio benigna oborta, quod post diem, saepe vero post tres vel quatuor denum dies fit, setaceum extrahit, malumque, ut ulcus cum carie complicatum, traciat.

3) In tumorem liquores supra memorati irritantes injiciuntur, qui tumoris apertura pulvilli rotundo clausa, diutius in abscessus parietes agere sinuntur. Quae agendi ratio repetitur, donec major vitalitatis gradus in secentibus loci laborantis organis exoriatur, eaque ad pus sincerum formandum proclivia reddantur. Huc pertinet etiam injectio solutionis hydrargyri nitrici oxydulati, quam Nasse primus et quidem feliciter in exemplo, ubi omnia caetera contra hoc malum laudata remedia nihil valebant, adhibuit. Postea hoc remedium ab Ullmanno minori natu in abscessu lymphatico inter os ilium et os sacrum dextra lateris, ex quo magna copia materiae ex albedo fuscae, crasso aenae, tremori similis, odoris paene expertis, effluxit, prospero eventu tentatum est.²⁴⁾

3) Abscessus secundum totam suam longitudinem fuditur, nudatusque ejus fundus linteo

24) Graefe's Journal der Chir. V. II. p. 440.

carpito vel paro, vel aliquo remedio irritabile imbuto consternatur, cui pulvilli imponuntur et fascia aptis leniter prementibus colligantur. Si inde suppuratione benigna exorta est, agitur, ut in abscessu vulgaris. Hanc curandi methodum praesertim Mursinna, Langenbeck et Rust prospéro evenit tentaverint, ubi neque adhibitis causticis, neque iniectionibus aquae fervidae ichor foetidus copiosus sistebatur, aegrotique vires maxime collabi incipiebant. Volpi quoque hanc agendi rationem init, si resolutionem et coalitum parietum abscessus, quamquam evacuatione saepe repetita pressisque adhibito, efficere nequit.²⁵⁾

4) Callisen denique cutem et telam cellulosa in toto abscessus cavitatis ambitu decidit, ut fundum ejus prorsus nudaret atque ita praepararet, ut remedia stimulantia et commutantia vires exercere possent. Qui etiam totius tumoris extirpationem Schaack et Mursinna instituerunt; at tamen haec operatio, in duabus aegrotis facta, haud prospere cessit, cum uterque inde exoriens incommodis nervorum vehementibus more retrar. Neque Calliseni methodus commendanda est, quoniam in parvis tantum abscessibus lymphaticis adhiberi feliciter potest, ubi methodi minorem dolorem afferentes sufficiunt.

Ceterae methodi a nobis breviter adumbratae saepe auxilium attulerunt, saepe vero frustra ten-

25) Volpi, Saggio di osservazioni. Mil. 1814. V. II.

tatae sunt. Itaque secundum singularis ejusque exempli conditionem una earum eligenda est.

Jam ad secundam indicationem pervenimus, nimirum ad respectum vitii universalis cum abscessu lymphatico nexus causali conjuncti. Quae indicatio maxime respicienda est, eique omni cura atque diligentia satisfaciendum, si malum locate feliciter tollere et sanitatem pristinam restituere velimus. Primo igitur causae occasionales vitii interni investigandas sunt, earumque, si adhuc perdurent, vis in aegrotum tollenda. Deinde vindendum est, qualis singularis adsit dyscrasia, eaque remediis accommodatis oppugnanda. Sed cum haec semper magis minusve digestioni et assimilationi obstent, iis primo tantum morbi stadio intendum est, quo vires nondum valde imminutae, neque digestionis organa nimis debilitata sunt, et tum etiam in connubio cum medicaminibus corroborantibus, iisque digestioni prospicientibus. Si vero morbus ad maiorem pervenerit gradum, si in vires vitales jam valde debilitatae sint, corpusque admodum emacererit, id tantummodo in votis esse debet, ut continua humorum jactura ex abscessu nutrimenti digesti atque assimilati faciliter restitutus, et organismus debilitatus firmetur novoque vigore instruatur, atque ex remediis, methodo excitante et restaurante propositis, ea eligenda sunt, quae propriae exempli tractandi conditioni potissimum respondeant. Ex his singulari commemoratione digna erit radix ratanhiae, quam in pluribus abscessibus lymphaticis illi Walther multis aliis remediis similibus efficaciorum invenit. Etiam in exemplo, a nobis observato, quod infra,

descripturni sumus, ejus utilitas probata est. Pluribus experimentis illa fortasse in curandia cachectis, quibus abscessus lymphatici nituntur, locum maximus momenti obtinebit. Gaeterum remedia excitantia atque röborantia caute adhibenda, atque, si status érethicus vel subinflammatiorius accederit, omittenda esse, vix erit monendum. Si hac via igitur constitutio emendata viribusque ancta fuerit, paulatim et, qua par est, cautione ad remedia ejusmodi confugi poterit, quae specificae morbi formae, quia aegrotus laboret, respondeant, ad praecavendum, ne alii abscessus lymphatici et irritationes metastaticae in organis internis extoriantur.

De diaeta denique et regimine, ab aegroto in hoc morbo observando, praecpta generalia proponere nobis supervacaneum videtur, cum ex iis, quae diximus, per se intelligantur; et singularia a quovis medico perito secundum singulas cuiusque exempli res et conditiones optime constituuntur.

Jam sub finem opusculi mentionem faciam abscessus lymphatici, cujus observandi tractandi que mihi sunt facultas.

Peter, rusticus Esthonicus, triginta duos annos natu, statuta mediocri, constitutione debili habituque cachectico, mense Junio anni MDCCXXXVII auxiliura meum contra tumorem, in superiore femoris parte dextri lateris exortum, imploravit. Ex examine, cum ipso de vitio suo instituto, apparuit: ipsum antea semper satis sa-

num fuisse, nisi quod ante annum febi acutia laboraverit, ex qua tamen sine medici auxilio omnino sanatus sit, quo facto, saepius furunculos pluribus corporis locis apparuisse. Ante duos fere menses primo majora incommoda ipsum sensisse, ac gravitate et inertia in membris, sicuti etiam moroso et tristi animo laborasse, ita ut invitus negotia sua perficerit, et sufficientes quoque vires defuerint. Jam nullum sibi adfuisse ciborum desiderium, nisi aliquantulum ciborum salorum, quo expleto, sitim non esse auctam. Quinque hebdomadibus post ad incommoda commemorata accessisse, tumorem parvum in dextro femore, nulla in hunc locum antegressa violentia externa, neque antea perceptis dolore, ardore vel rubore, nisi levi formicationis sensu, femur simul in omnes partes sine doloribus verti potuisse, in incendendo tamen minorem adfuisse tensionem. Tum ipsum tumorem ambitu magis magisque crescentem vino adusto et spiritu camphorato lavisse, debilitatem vero et gravitatem corporis venae sectione tollere studuisse. Speratae vero sanationis loco molestias auctas ac tumorem etiam majorem factum esse. Paulo post saepe ipsum sensisse frigus et horripilationem sub vesperam in aestum lenem transeunzia. Somnum inquietum fuisse somniisque auxiis turbatum.

Tumor, quo aegrotus laborabat, post tranchanterem fuit majorem femoris commemorati, tres fere pollices in diametro tenebat, deorsum in apicem exiens, fluctuatio perspicue apparuit, cutis supra eum subrubicunda fuit, et, si tangebatur, nonnullis locis doluit. Debilitas et macies maxi-

me conspicua aegrotum jam occupavit. Secretiones et excretiones tarde siebant, ciborum appetitus minimus erat, lingua muco albido obducta, sapor putidus, pulsus debilis et iners tactu. Gaeternam aegrotus de nullis doloribus et molestiis, aliquo alio corporis loco versantibus, questus est.

Conclave lucidum, spatosum aegroto habitandum curavi, diaetam nutrientem et corroborantem eum observare jussi et ad usum internum ei praescripsi extractum ratanhiae conjunctum cum remediis aromaticis digestionem elevantibus. Vitium locale hoc modo tractavi: tumorem in infima parte lanceita patesci et aperturam accurate tantam feci, ut omnis humor contentus pressu leni, manuumque ubique aequaliter exhibito, facile effluere posset, tum statim vulnus ictu factum emplastro adhaesiō texi, tumori collapso et omnino evacuato imposui pulvillo, et tum universam extremitatem morbo affectam fascia circulari satis firmiter circumvolvi. Humoris evacuati ferē Σv fuisse credo, fuit haud pellaculus, turbidus, paulum latus; subflavus et odoris expers, sub finem effluxus aliquid sanguinis puri exiit.

Post diem tertium colligationem renovavi, tumorem duobus locis in parte inferiore elatum inveni, dum parietes in parte superiori et inter has duas eminentias conglutinatae videbantur. Utramque patesci, colligationemque eodem modo institui, quo prima vice, sed quia et haec agendi ratio mihi repetenda erat, donec horum

duorum tumorum parietes concrescerent. Simul
usum internum remediorum supra commemorato-
rum continuavi, et postquam aegrotum quatuor
hebdomades tractavi, ille gaudio meo fuit saba-
tus.
